

Châng Thlan: *Galatia 6:10.*

Zirlaite Tân:

Hriat Tûr: Kristâa chênain mi dangte nêna kan inkûngkaih dân tûr kawngte min kawhhmuh dân ennawn.

Vei Tûr: Thlarau lam chaponain thil hlauhawm a ken telte hriatna neih, a bîkin thlêmna lama hima inngai Kristiante tân.

Tih Tûr: Mahni kan inngaihsak anga thenawmte hmangaih a, Kristâ dân hlenchhuah.

THUPUI THEN

I. Hriat Tûr: Thil Thâ Tiin

- A Engtin nge Kristiante hian an ûnau harsatna tâwk mêkte hi an tih ang?
- B Engati nge mahni chung a tih atâna kan duh ang chu, abîkin phur rit phur mêkte chung a kan tih ngêi a pawimawh?

II. Vei Tûr: Thlarau Lam Chapona

- A Engati nge thlarau lam chapona hi Kristiante tân a hlauhawm viau?
- B Engtin nge ngaihsak lohna, phûr lohna, sawisêlna thlarau lakah kan invên theih ang?
- C Engati nge chîk taka mahni-inenfiah leh inchhût lêt neuh neuh hi a pawimawh?
- D Mahnî theihnate inngaihtuah nasat lutuk that lohzia eng Bible entîrnaten nge târlang?

III. Tih Tûr: Kristâ Dân Chu

- A Engtin nge thenawm hmangaihain Kristâ dân a tihfamkim?
- B Mi dangte phur rit phurhpuî tûrin khawiah nge chona lian ber berte chu a lo chhuah thîn?
- C Hetiang zâwng hian kan chhûngzînga tû rawng nge kan bâwlsak ngai ang?

D Eng hnam, chî, pâwl etc. hmanga inthliârna kan neih ang chîte hi nge nuai reh ngai?

KHAIKHÂWMNA: Kristâ dân chu kan nuna a lo famkim hun chuan, tlu tâte leh phur rit phurte chu kan ngaihsak ang. Mahnî chak lohnate kan hria ang a, thlarau lama chapo leh mitdel kan nih loh nân inngaitlâwm takin thutakah kan intulût ang.

INZIRTÎR DÂN TÛR

RAHBI 1—Chawk phûr rawh

Thlarau thanna atâna thu pawimawh: Pathianin kohhran hi hê khawvêla A hnâ thawk tûrin a ruat a. Chhandamtu engkimtithei chuan duh se chuan, mihringte tel lo pawhin khawvêl bo hnû hi a chhanchhak thei a. Hê hna ropui takah hian mihring sual hman, chak lo leh rilru nghet lo tak hian enge a tih vê theih ang? Sual nei lo vân angelte chu a rawn tîr emaw, vân arsi hlâwm danga thilsiam rinawm takte a hman zâwk emaw, a nih loh leh Amâ kutchhuak remote control emaw hman pawhin a ti thei ang a; chû lo pawh kawng dang tam tak A nei thei tho bawk ang. Mahse chutichungin, tlan tawh, a kohhran mîte nêna thawh ho hi a duh zâwk sî a ni.

Hê thutak sawi chhuak tûr hian kan fîmkhur viau tûr a ni. Mihring tlu tâte hnêna chanchin tha puâng tûrin kohhran hian hamthamna leh remchâna a nei a. Hê mawhphurhna thianghlim hi a neitu tak erawh kan ni lo.

Mihringte hian duh duh thlang tûra thuneihna kan nei lo va, Pathian pawhna kawng pawh an dâlsak thei hek lo. Kohhran nêna khawngaihna sem darhtu Pathian hmanraw pui ber chu Thlarau Thianghlim a ni a, ani chu thawhpuitu a ni ber. Kohhran hnâ chu, Pathian pawh theihna kawng dâlsak âi chuan kawng zauhsak zêl a ni zâwk. Remchâna ropui a va ni êm! Mihring tlu tâte zînga rawngbâwl tûr leh châwm puitling tûrin kohhran chu Pathian nêna thawk dún

tûr a ni. Pathian nêna thawh dunna zârah siamthata mak tak te a lo thleng tawh thîn a. Nun thar neihna te, inkûngkaihma chhe tawh dinthar lehna te, mahni-inthiam lohna bo tâ te, thlarau lam thila puihbawmna ang chîte hi Pathian kohhran nêna thawh hona zâra hlâwkna kan têt theih chu a ni.

Bulţan nân: Nî tin hian beiseina thar a rawn thlen zêl a. Remchâna thar te, nimin lama dâi sual leh tihsual palh te hian, thil duhawm zâwk leh beisei ang a rawn thlen thei a. Thu ziak te, thuthar download leh bengvârna thu dangte ni bulţan nân mi dangte sem/hriattîr vê la. Thil thar lo chhuak zêlten beiseina thar tui puina a siam dânte sawi ho ula. LALPA chu kan lo tihsual tâk vânga inthiam lohna laka min chhâwktu, bul min ţan thartîrtu, ngaihdam leh tihthianglim min nihtîrtu a nih kohhranin min kawhmuh dân chu sawi ang che u.

RAHBI 2—Zawng chhuak rawh

ZIRTÎRTÛTE PUÂL: Pathian Lekhathu hian saltâng chhuahna, thiamloh chang nihna laka fihlîmna, sual tih âwnna laka zalêna thûte a puang a. Hêng hi vânlam hna sâng ber a la ni reng. Isuan Kalvari-ah thil engkim hlânin, A âiawhtûte chu rawngbâwl tûrin a tîr chhuak a. Thlarau zâra a chênchilhnain a tichak a, chû chu thlarau lama beiseina, kan khawvêl thim tih-ênna tûrin a ni. Chû beiseinaah chuan bawhchhiatna tin rêng ngaihdamna te, thlêmna tin rêng laka chhanchhuahna te, Pathian nêna inhnaih deuh deuhna zâra nun tihthar leh siam thata pawh a tel a. Ringtûte chuan ringtharte an ţanpui leh fuihma zârah nun awmzia nei tharin, harsatna lo awmte hlawhtling taka hmachhawnin, mahni inrintâwkna leh puitlinna an lo nei thîn.

ZIR ZAUNA

I. Tlôte Tungdingin (*Galatia 6:1; Matthaia 18:15–17.*)

Kohhran dinchhan chu thiamlohchantîr ni lo vin, dinthar leh a ni reng. Mi tam tak chuan kohhrana *inthununna* tih hi inhremna ti angin an ngai tlat mai. Member thenkhat hian thahnemngai taka kohhran hmingtha hum tumin, ‘*member kal sual chuan mi dang a kaihhnawih loh nân dahchhuah mai tûr*’ an ti awlsam mai thîn. Hetianga tih hi thil hlauhawm tak a ni. Krista hun laia sâkhaw hruaitûte pawh khân *Johana 8*-a târlan hmeichhe uirê kha thiamlohchantîr an châk hlê mai a; mahse, anni kha sualna nei lo an ni bîk em ni? Ngaihdamna mamawh an ni lo vem ni? An vervêkna kha vânin thiamloh a chantîr dâwn lo vem ni?

Kohhran hmingtha hum chungchâng hi ngaihtuah that a ngai a ni maithei e. Hospital hnathawh dânte nêh hian khaikhin ila. Hospital hi taksa lam tihdamna leh dinthar lehna atâna din a ni. Damlo zawng zawng hian dam thâin an chhuahsan leh vek kher em ni? Teuh lo mai! Chutianga a nih avâng ngawt chuan hospital dinchhan leh thil tum chu kan nuai bo mai dâwn em ni ang? Damlo an thih avâng chuan hospital chu in titâwp mai tûr em ni dâwn?

Hospital chuan hmingtha neih duh vângin, damlo enkawl hautak, damchhuah leh beisei awm tawh lo cancer vei leh mi dang natna khirh deuh veite chu hnarin, enkawl awlsam deuh tûr, hritlâng ang lekte chauh chu a enkawl dâwn em ni ang? Damlo enkawl khirh deuh chu lo hnar mai lo vin, doctor chuan a tûl ang angin hmâ a lâksak a, tihdam theih hrâm dân kawng dapin, tihdân tharte pawh a hmang zâwk thîn a ni. Natna awm dânte chîk taka zirin, enkawl dân tharte an hmang a, a hma lama damlo an enkawl a thih tâkna zârah, enkawl na tûr tha zâwkte an hmuchhuak fo a ni.

Thlarau lam natna vei enkawl thû-ah pawh chutianga rilrû chu put vê tûr chu niâwm tak a ni. Chutianga a nih

chuan, *inthununna* pawh chu *inhremna* ni lo vin, a thâwi damna tûr a lo ni ang a; kohhran hmingthamna pawh chu lainatnaa inngat, member-in natna a vei tidam tûra chak taka hmalâkpui tih a lo ni thei ang.

Kristiante hian mi sualte ni lo vin, sualna chu thapui thawhin an do zâwk tûr a ni. Thenkhat chu an bo ngêi ang tih a Chiang a. Mahse kohhrante hian rawngbâwl hlawhtling nih duh vângin khua leh tui thâte zîngah chauh rawngbâwlna nei ta se, an chêtna chuan an thil tum an thelh tih a finfiah Chiang viau ang le. Paulan thunun tih a hman dân hi chu mi fel ni tûra chher chhuak tihna a ni. Pathian nêna inlaichînna duhawm tak neihpui tûra beih nawn chhênna a ni. Inhrem tih lam chu a lang lo va, a tha zâwnga dinthar leh tûra kaihrui a ni zâwk. Kohhran hi tum tha tak hlen chhuak tûra rintlâk taka thawh hona a ni a; Pathian hmangaihna zâra nun-neihthîrna hmanga sualin a tih thaihte tihdamna a ni.

Ngaihtuah teh: Hnungtawlh mêkte tlawhchhuah hnâa inhmangte hian eng rilrû nge an put ngêi tûr ni ang? Engtin nge Isuan tlu tâte kha a dâwr thin? Engtin nge Kristiante hian chhanchhuah an tum tlu mêkte thlêmna tawh ang chî lakah an invênhim theih ang? Ritphurh inhhâwk tawn tih hi eng tihna nge ni?

II. Chi Theh leh Rah Seng (*Galatia 6:6–10.*)

Ritphurh emaw mawhphurhna inhhâwk chungchângah, Paulan thurin dik puangtute mawhphurhna phurhpui tûrin a fuih a. A lehkhathawn chhiartûte hriat than tak thufing hmangin, rahseng tam beiseitu chuan chî tam tak a theh thin avângin hlâwk taka inpeipung tûrin a fuih a. Han ngaih mai chuan lang thei thil lama zirtîrtûte chu chhawmdâwl tûr anga ngaihtheih a nih laiin, hê thû hi chuan thlarau lam thil pawh a kâwk tel a ni. Thlarau lam dinhmun hi kan

inpeipun dân ang zir zêlin a ni ðhîn. Thlarau lam thila chakna nasa zâwk neih duhte chuan thlarau lam thila insâwizawiin, thlarau tâna thil ðha lote chu an pumpelz zêl tûr a ni. Beihna a tlem leh hmasâwnna a nêp deuh dâwn tihna a ni mai. Thlarau lam thila hun hman tam deuh chu thlarau lam thila hlâwkna tam zâwk neihna a ni ngê ngê ðhîn.

Ngaihtuah teh: Engtik hunah pawh, ringtute nun chu khawvêl thil—television, radio, Internet, leh chutiang thil dangten a luah nasat sî chuan, engtin nge thlarau lam thila hmasâwn an beisei theih ang ni? Pathian nêna inlaichinna duhawm tak neih kan châk/duh a nih chuan kan hun hi eng tih nâna hmang tam ber tûr nge kan nih ang? Engtin nge Kristiante hian an thlarau nun hi mi dangah, a bîkin ringtu la ni vê loteah an peipun theih ang?

RAHBI 3—A Taka Nunpui Tûr

ZIRTÎRTÛTE PUÂL: Sum leh pai lama chinchâng hre deuhthe chuan, hmalam hun atâna inpeipun dân tûr an engto hlê ðhîn a. A peipun dân hlâwk theih dân ber tûr ngaihtuahin hmâ an la ta ðhîn a ni. Thil pawh tak chu, kohhran hian ngaituah Chiang mang hlei lo va, sum leh pai thil an dah pawimawh viau mai ðhîn hi a ni. Khawvêl rosum zawng zawng belhkhâwm âi pawhin Kristâ inhlanna kha a pawimawh zâwk daih a; chutichungin, ringlote nuna inpeipunna lam chu an va ngaihthah sî êm! A hnuaiatitûr hmang hian, in kiang vêla thlarau bo mêkte pawh tûra thlarau lam inpeipunna tharthawh tumin bei ang che u.

Tih tûr: Card 10 tal siamin, card tinah chuan in khawtlâng siamthat dân tûr thú pakhat tal ziak zêl ang che u. Memberte chu en lo va pawhtîrin, chuta thu chuang chu chhiar nghâl se la. Chutianga kohhranin hmâ a lâkna hlâwkpuaiawm an tih leh tih loh pawh sawi se.

List: 1) Lehkha chhiar tûr sem, 2) Naupang nipui camp neih, 3) nû leh pâten upa/tarte an enkawl/vil, 4) Beihpui thlâknaa inkhâwm tûra ðhenawmte sâwm, 5) tân ina tângte tlawh, 6) chhuakvâk thei lote tlawh, 7) naupang infiam kilkâwi, 8) kawthlêr kil khata thuhrl, 9) in tin tlawh lâwr rawng-bâwlna, 10) hrisêlna zirtîrna neih, 11) mi khawsak harsâte tâna silhfên leh mamawh zualpui phuhrûksak, 12) member ðawng mawi lo ngaihdam, 13) naupang silfên tet ðhuisak, 14) nû/pâ nei lo naupang picnickpui/tihhlim, 15) ðhenawm vêla mîte hnêna Sabbath serh chungchâng hrilh.

RAHBI 4—Boruak siam rawh

ZIRTÎRTÛTE PUÂL: Ruâhman leh committee neihte hi hmanraw ðangkai tak a nih laiin, chutiang hmang ngawt chuan danglamna a thlen theih sî loh. Chanchin ðha thiltihtheihzia chungchâng sawi mai a tih awm sî lo chuan chanchin ðha thupêk ropui a hlen thei lo. In pâwl member-te chu kawthlêrahte kal chhuak a, eng emaw tih nei vê a danglamna thlen tum tûrin chona siamsak ang che.

Tih tûr: Vântlâng mamawh phuhrûkna tûr thil eng emaw ruâhman nei tûrin sâwm la. Chutiang ruâhman bawhzuina tûr nî, dâr leh hun rei tûr zâwng thutlûkna i siampui dâwn nia.